



Grindavík

Meðal efnis

Brimvarnar- garðar

Fjárhagsáætlun

Söngmessá 13. maí

GK 99


Kistrún kvödd

Fréttabréf Grindavíkurbæjar
Ritstjóri: Gunnlaugur Einarsson
Ábyrgðarmaður: Einar Njálsson

Járngerður

Fréttabréf Grindavíkurbæjar

1.tbl. 2.árg. apr. 2001



Brimvarnargarðar við innsiglinguna – Langþráð framkvæmd

Þriðjudaginn 3. apríl s.l. voru opnuð tilboð í byggingu brimvarnargarða í innsiglingunni til Grindavíkurhafnar. Sex tilboð bárust, lægsta tilboð átti Suðurverk h/f kr. 146.722.380. Kostnaðaáætlun Siglingastofnunar var kr. 220.169.330. Tilboðið er því mjög hagstætt. Nú er verið að yfirfara tilboðin hjá Siglingastofnun og ef ekkert óvænt kemur uppá verður hægt að ganga frá verksamningi um mánaðamótin apríl-máí. Verkið getur þá hafist í maí. Vestari garðurinn verður byggður á þessu ári og austari garðurinn á næsta ári. Verklok í heildarverkinu eru ákveðin 30. september 2002. Grjót í garðana verður unnið úr námu



skammt vestan við bæinn. Nýr vegur verður byggður til grjótflutninganna. Liggur hann um Bótna og með ströndinni að garðstæðinu og tengist síðan Verbrautinni skammt vestan húsa Þorbjarnarins. Þessi framkvæmd er langþráð og garðarnir munu skapa kyrð í höfninni og auka öryggi sjófarenda. Ný innsigling hefur þegar skilað hafnarsjóði umtalsverðum tekjum og auknum verkefnum og með brimvarnar-görðunum verður öll aðstaða miklu tryggari. Framkvæmdum af þessari stærðargráðu fylgir óhjákvæmilega nokkurt umstang og óþægindi. Við biðjum bæjarbúa að sýna okkur umburðarlyndi og þolinmæði á meðan þetta gengur yfir.

Fjárhagsáætlun 2001

– Framkvæmdir og eignabreytingar

Fjárhagsáætlun yfirstandandi árs var samþykkt samhljóða í bæjarsjórn Grindavíkur 17. janúar s.l. Góð samstaða var við undirbúningsvinnu áætlunarinnar og tóku fulltrúar allra framboðslista þátt í þeiri vinnu, ásamt embættis-mönnum bæjarins og forstöðumönnum deilda. Fyrir utan brimvarmargardana, sem getið er á öðrum stað í blaðinu, eru bygging grunn-skóla og gatnagerð stærstu framkvæmdaliðir á vegum bæjarins.

Til framkvæmda við grunnskólann verður varið 52,5 milljónum á árinum. Lokið verður framkvæmdum við sérgreinastofur og keyptur í þær búnaður, endurnýjaður innangangur við skólaplan og unnið að lóðarframkvæmdum m.a. hvað snertir aðkomu að skólanum fyrir nemendur og starfsfólk.

Til gatnagerðar, holræsa og gangstéttu verður varið 44,8 milljónum. Að stærstum hluta fer

fjármagnið til að ljúka framkvæmdum við nýja hverfið norðan Kúadals. Þar hefur þegar verið úthlutað 20–25 lóðum og húsín farin að rísa. Unnið verður að endurbótum á leikskólanum við Dalbraut fyrir 6,4 milljónir og hann útbúinn sem tveggja deilda leikskóli. Auk þess verður varið fjármagni til uppybyggingar Náttúrstofu Reykjaness, Saltfiskseturs í Grindavík og kaupa á hlutafé í GK-99.

Unnið er af fullum krafti við byggingu samþýlis og leiguþúða fyrir fatlaða við Túngötu. Framkvæmdum miðar vel, umsamin verklok eru 1. ágúst n.k. en vonir standa til að húsið verði tilbúið fyrir.

„Ég spái því að staðan verði mjög sterk eftir 10 ár“

Það hefur væntanlega ekki farið framhjá neinum að GK99 hefur uppi stór áform fyrir knattspyrnuna í Grindavík. Bygging stúku við nýjan aðalvöll Grindvíkinga er vel á veg komin en þó mikil verk enn óunnið. Járngerður haði samband við Pálma Ingólfsson sem var í vetur ráðinn framkvæmdastjóri GK99 til að forvitnast um framkvæmdirnar, tengsl GK99 við UMFG og sitthvað fleira.

Hver er framkvæmdaætlunin fyrir hið nýja mannvirki?

Stúkan sem nú er í byggingu verður tilbúin í maí eða júní næstkomandi, en hún er fyrsti áfangi af þremur –hinir tveir eru tengibygging við búningaðstöðu og svo félagsaðstaðan. Það er ekki kominn tímarammi utan um tvo síðari áfangana, enda ekki farið af stað í það fyrir en fjármagn er algjörlega tryggt. Verið er að kanna þá hluti hjá hugsanlegum fjárfestum. Hlutur



Grindavíkurbæjar er svo "króna á móti krónu" eins og flestir þekkja og fer aldrei yfir 50 milljónir að hámarki. Hvað fjármögnun bæjarins varðar er vert að það komi fram að hlutur Grindavíkurbæjar dreifist jafnt yfir margra ára tímabil, svo þetta er fjárfesting sem kemur til framkvæmdar á löngum tíma. Þess ber að geta að framkvæmdin er dýrari en gert var ráð fyrir í fyrstu og hefur stjórn félagsins gert ráðstafanir til að reyna að mæta því. Staðan er hins vegar í jafnvægi og hvet ég bæjarbúa og alla áhugasama um að aðstoða okkur við að láta þetta allt saman ganga upp með jákvæðum huga.

Er eitthvað annað í gangi hjá félagini og hver eru tengslin við UMFG?

GK99 vinnur í raun sem stuðningsaðili við UMFG með langtímaupþyggingu knattspyrnunnar í Grindavík í huga. Markmiðið er m.a. að byggja upp leikmenn framtíðarinnar, bæði stráka og stelpur, og hefur í því skyni venð sett fram sérstök afreksmannastefna, en þar kemur fram að efnilegir leikmenn fá aukaþjálfun hér heima í háum gæðaflokki. Byrjað var að vinna eftir þessari stefnu í vetur og er ljóst að við verðum að gefa okkur góðan tíma til að þróa þetta verkefni og sýna þolinmaði. Fyrst og fremst verður unnið með leikmönnum á aldrinum 14–21 árs. Stefnt er að því að senda þá sem skara framúr til þjálfunar tímabundið hjá félögum erlendis. Pannig er stefnt að því að byggja upp leikmenn sem munu verða félagini til sóma og helst komast í landsliði. Hluti af því er líka að þjálfarar félagsins verði vel menntaðir og hæfir í sínu starfi. Bestu leikmennirnir verða svo væntanlega atvinnumenn erlendis –en það auk þátttöku í Evrópukeppni er forsenda þess að félagið nái

inn tekjum. Tengsl okkar við erlend félög skipta talsverðu máli í þessu sambandi og það hefur ýmislegt verið gert til að byggja þau upp. Við eigum ágæt samskipti við Malmö í Svíþjóð sem er í framhaldi af því að Ólafur Örn Bjarnason lék með féluginu um tíma. Einnig eru í gangi viðræður við Stabæk í Noregi um hugsanlegt samstarf í framtíðinni og m.a. fengum við, ég og Helgi Bogason að fylgiast með og kynnast starfsemi félagsins í vikutíma í vetur. Það má ýmislegt læra af félögum eins og Stabæk, sem vann sig upp úr 5.deild upp í efstu deild á fáum árum.

Tengslin við knattspyrnudeild UMFG eru auðvitað nái, en fljótlega mun verða gengið frá samstarfssamningi á milli GK99 og knattspyrnudeildarinnar og þá verður hann gerður opinber -og ætti þá að skýra vel fyrir fólk eðli samstarfsins. Það er alls ekki um það að ræða að hér séu á ferðinni hákarlar sem ætla að gleypa starfsemi deildarinnar, heldur fyrst og fremst félag sem vill stuðla að því að styrkja knattspyrnuna í Grindavík til langs tíma og stuðla þannig áfram að því að halda nafni Grindavíkur á lofti um ókomna framtíð.

Par sem verkefni GK99 eru langtíma verkefni liggur kannski beint við að spyrja þig hvernig þú séð fyrir þér stöðu knattspyrnunnar í Grindavík eftir 10 ár?

Já, ég leyfi mér að fullyrða að það er ekkert félag á Íslandi með betri umgiðrð heldur en Grindavík. Hér hefur hópur manna staðið lengi í þessu og búið til öfluga umgiðrð um knattspyrnudeildina sem fer sifellt batnandi. Ég held því að staðan verði mjög sterkt, bæði hjá körlum og konum. Við stefnum klárlega að þátttöku í Evrópukeppni, sem við fáum reyndar smjör-



„Grindavík ... góður bær“



Kristrún stendur hér fremst fyrir miðri mynd með fyrrverandi og núverandi samstarfsfelögum

þefinn af næsta sumar með þátttöku í Intertoto keppninni. Og ég tel það ekki spurningu um hvort heldur hvenær við verðum Íslandsmeistarar. Þetta snýst allt um þolinmaði og jákvætt hugarfar. Ég spái því að staðan verði mjög sterk eftir tíu ár.

Kristrún kvödd með söknuði

Eftir 20 ára farsælt starf á leikskólanum við Dalbraut, hefur Kristrún Bogadóttir ákveðið að skipta um starfsvettvang. S.l. mánaðarmót kvaddi hún samstarfsfólk sitt á leikskólanum og greinilegt er að hennar verður saknað. Í veislu Kristrúnu til heiðurs þökkuðu m.a. núverandi og fyrrverandi leikskólastjórar henni fyrir vel unnin störf. Kristrún þakkaði fyrir sig með eftirminnilegum hætti, því hún gaf leikskólanum stórgjöf- andvirið íþróttavagns sem er notaður til að stuðla að aukinni hreyfigetu barna.

Kristrún er að fara að vinna í eldhúsini á Hæfingarstöðinni í Keflavík og hlakkar mikið til en segist kveðja gamla starfið með söknuði.

„Ég á örugglega eftir að koma í heimsókn á leikskólann“, sagði Kristrún á þessum tímamótum.

„Frá vöggu til grafar“

Söngmessan „Frá vöggu til grafar“ verður flutt í Grindavíkurkirkju 13. maí kl. 14:00. Sungnir verða nýir gospelsöngvar, þekktir negrasálmar og önnur kirkjutónlist með sveiflu. Schola Cantorum (kórskóli) Tónlistarskóla Grindavíkur syngur ásamt kór Grindavíkurkirkju. Sveiflusveit skipuð Guðmundi Emilssyni, Þorleifi Gíslasyni, Guðmundi Steingrímssyni og fleiri landsþekktum tónlistarmönnum leikur með. Fjöldi einsöngvara kemur fram, þar á meðal Ann Andreassen, Ingibjörg Guðjónsdóttir, Sigurður Bragason, Árni Gunnarsson, Þórunn Guðmundsdóttir og Sesselja Jónsdóttir. Söngmessan er samstarfsverkefni Tónlistarskólans og Grindavíkurkirkju. Nánar auglýst síðar.